

Sakspapir

Sakshandsamar	Arkiv	ArkivsakID
Oddvin Arne Neset	FA-F07, FE-233, TI-&75	21/304

Saknr	Utval	Type	Dato
035/2021	Formannskapet	PS	29.04.2021

Tilbod om middag og sosialt samvær til pensjonistane i kommunen

Vedlegg:

Journalposttittel	Dato
Når våre eldre er fullvaksinerte	07.04.2021
Tilskot - Eldre ut på middag	25.03.2021
Søknad om tilskot - Eldre ut på middag	25.03.2021

Rådmannen sitt framlegg til vedtak:

Masfjorden kommune ynskjer at eldre over 65 år busette i kommunen får møtast til måltid og sosialt samvær på serveringsstadene i kommunen når samfunnet opnar opp att. For å få dette til vil Masfjorden kommune gje økonomisk stønad til drosjenæringa og serveringsstadene slik at dei kan tilby rimeleg skyss og måltid. Slik kan ein unngå at økonomiske tilhøve er til hinder for å møtast.

Det er eit mål å få etablert eit slikt tilbod ein dag i veka i mai og juni 2021. Tilbodet bør etter det evaluerast og vurderast vidareført som ein del av «Leve heile livet – reforma».

Rådmannen får i oppdrag å gå i dialog med serveringstadene og drosjenæringa i kommunen og prøve få til samarbeid om eit slikt tilbod til eldre over 65 år i kommunen.

Finansiering: Tiltaket er søkt finansiert gjennom statleg tilskotsordning – Eldre ut på middag. Statleg tilskot er ein føresetnad for gjennomføring av tiltaket.

Saksopplysningar:

Dokument i saka

- Innspel frå Masfjorden FRP til ordførar og rådmann datert 15.3.2021
- Brev om tilskuddsordningen Eldre ut på middag frå Helsedirektoratet datert 18.3.2021.
- Søknad frå Masfjorden kommune om tilskot Eldre ut på middag til Statsforvaltaren datert 26.3.2021
- Utdrag av møteprotokoll formannskapsmøte 18.3.21: Skriv 6: *Når våre eldre er fullvaksinert.*

Formannskapet ba om sak til neste formannskapsmøte.

Bakgrunn

Siste året har store deler av befolkninga opplevd sterke avgrensingar i sosial aktivitet grunna smitteforebygging. Dette har gått særleg ut over den eldre delen av befolkninga som har vore ekstra risikoutsett, og har måtte avgrensa all sosial kontakt til eit minimum. Når gruppa over 65 år er seg vaksinerte ynskjer styresmaktene å stimulere til at desse får kome i gong att med sosial aktivitet, og har lyst ut tilskotsmidlar som skal stimulere til eit samarbeid mellom kommunar, serveringsverksemdar og drosje/transportnæringa slik at dei eldre kan treffast til rimelege måltid på serveringsstader i kommunen.

Masfjorden FRP har sendt innspel til ordførar og rådmann om saka. Den vart drøfta i formannskapsmøtet den 18.3.2021. Formannskapet bad om å få innspelet framlagt som sak til neste møte.

Vurdering

Tiltaket er positivt både med omsyn til sosialisering av ei gruppe som har levd med strenge avgrensingar siste året, men også med omsyn til å gje eit løft til næringar som har hatt nedgang i aktiviteten same periode. Masfjorden kommune har søkt Statsforvaltaren om økonomisk stønad til tiltaket. Utdrag frå søknaden:

Masfjorden kommune ynskjer å stimulere lokale serveringsstader til å tilby eldre over 65 år i Masfjorden rimeleg middag og kaffimat som dei kan innta i fellesskap med andre. Tilskotsordninga skal bidra til at seniorane opplever det attraktivt å oppsøkje lokale serveringsstader for å innta måltid. Tilskotet vil verte nytta til vidaretildeling til dei serveringsstadene som etablerer eit slikt tilbod, og tilskotet vert gjeve ut frå talet selde middagar/kaker/smørbrød. Avgrensa opningstider på nokon av serveringsstadene i kommunen gjer det meir føremålstenleg å spreie tilbodet over fleire veker våren 2021 enn å konsentrere det om ei veke. Innbyggjarane i Masfjorden bur spreidd, og det er lange avstandar. For dei som ikkje kjører eigen bil er ikkje kollektivtransport eit alternativ når ein skal til kommunen sine handlesenter, for tidsintervalla mellom bussrutene er for lange. Taxi er då aktuelt for nokon. Dersom me får tilskot vil me gå i dialog med serveringsstadene og taxinæringa med tanke på å få til eit samarbeid om rimeleg måltid og transport. Masfjorden kommune har 3 pensjonistlag som me vil samarbeide med om tilbodet. Budsjett: Masfjorden kommune har ca 260 innbyggjarar over 65 år. Me ynskjer å kunne tilby serveringsstadene kr.100,- i tilskot pr. middag m/dessert og kaffi som vert seld, og kr. 50,- pr. kaffi m/kake/smørbrød. Me ser for oss at nokon eldre vil benytte seg av tilbodet fleire dagar medan andre ikkje vil benytte seg av tilbodet. Me meiner difor at eit snitt på kr. 100,- pr ib. i målgruppa er eit passande estimat. Me søker om tilskot til måltid på kr. 100,- x 260 innbyggjarar = kr. 26.000,-. For dei som må nytte taxi vil ei reise til handlesentra beløpe seg til mellom kr. 1000,- og kr. 2.000,- tur retur. Me legg til grunn at 40 personar vil trengje taxi. Med ein snittkostnad på kr. 1.500,-, søker me kr. 60.000,- i tilskot til transport. Samla søknadsbeløp kr.86.000,-

Konklusjon

Masfjorden kommune ynskjer å bidra til å motverke fysiske og psykiske konsekvenser av sosial isolasjon og leggje til rette for at eldre skal få oppleve sosialt fellesskap når vaksinasjonen er gjennomført. Kommunen vil difor stimulere til at eldre over 65 år busette i kommunen får møtast til måltid og sosialt samvær på serveringsstadene i kommunen når samfunnet opnar opp att.

Formannskapet - 035/2021

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Masfjorden kommune ynskjer at eldre over 65 år busette i kommunen får møtast til måltid og sosialt samvær på serveringsstadene i kommunen når samfunnet opnar opp att.

For å få dette til vil Masfjorden kommune gje økonomisk stønad til drosjenæringa og serveringsstadene slik at dei kan tilby rimeleg skyss og måltid. Slik kan ein unngå at økonomiske tilhøve er til hinder for å møtast.

Det er eit mål å få etablert eit slikt tilbod ein dag i veka i mai og juni 2021. Tilbodet bør etter det evaluerast og vurderast vidareført som ein del av «Leve heile livet – reforma».

Rådmannen får i oppdrag å gå i dialog med serveringstadene og drosjenæringa i kommunen og prøve få til samarbeid om eit slikt tilbod til eldre over 65 år i kommunen.

Finansiering: Tiltaket er søkt finansiert gjennom statleg tilskotsordning – Eldre ut på middag. Statleg tilskot er ein føresetnad for gjennomføring av tiltaket.